



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三一八

繩庵內外集二十四卷（內集十六卷外集八卷） 劉 綸 撰

一

偶然吟四卷 尹嘉銓 撰

二七一

隨五草十卷 尹嘉銓 撰

三一

錫慶堂詩集八卷 嵇 璜 撰

五四三

誤菴詩稿三卷 卓奇圖 撰

五九九

先文定公手定

繩庵內外集

用拙堂藏板

繩庵內外集

上諭

乾隆三十八年六月二十六日

諭旨大學士劉綸品行端醇學問博雅久直禁廷簡畀
閣務勤勞夙著倚任方殷今春偶患腮頰浮腫卽派
御醫診視並令加意調攝入夏以來慮其未能輕減
屢差侍衛存問嗣聞其體氣虧弱特賜人蔭俾資培
益用冀速痊昨以重受暑風復加沈劇倍增屢念茲
閔溢逝深爲悼惜著加贈太子太傳入祀賢良祠其
任內革職降級之案均予開復並賞銀一千兩辦理
喪務并派皇十二子帶領侍衛十員往奠茶酒所有
應得卹典仍著該部察例具奏欽此

上諭

諭祭文

奉

天承運

皇帝詔曰朕惟彤墀黼黻宣勤望著持衡雕俎馨香
美報榮增錫命惟襄職而流徽克播斯飾終而展
卹宜優爰沛隆恩式彰懋典爾劉綸端方植品淵
雅蜚聲館閣翹材選制科而首舉班分珥筆居清
職以迺翔當瀛島之先登已月卿之早擢朕嘉爾
詞翰勵爾猷爲遣使軒車載馳而不遑四牡董成
省署作貳而幾徧六官並皆諷度有方遵循無戾
用是直廬禁近屬顧問之頻加樞院深嚴俾贊勳
之並預尙書之司喉舌爰令北斗崇階宰執之任
疑承旋命黃扉正席爾則素絲益勵深彰如水之
心冰鑑無私懋副爲霖之望允資表率方切倚毗
詎因輔頰微災竟致形神委頓良醫用賜冀診聒
以就痊上藥適頒予滋培而罔效愴懷溘逝感念
生前官傳則晉錫崇街賢良則垂麻永祀几筵孔
秩綸綍攸宣於戲台階遽隕時臨和鼎以縈懷風
度仍留特舉釐卹而致醑靈而不昧庶克來歡

諭祭文

御製碑文

朕惟紫垣領直文昌占戴斗之輝黃闈升猷宰輔昇持
衡之任緬展勞之足紀令望猶留宜褒卹之從優藝章
用具聲垂汗簡敷勒貞珉爾加贈太子太傅原任文淵
閣大學士劉綸植品端醇摛文雅贍制科首舉翹材膺
特達之知仙籍初登珥筆冠承明之選朕爰加顯秩歷
試諸卿豈惟眷乃詞華亦用覘其幹濟彤墀獻納克邀
三錫之榮粉署廻翔幾徧六官之坐許光華之獨近禁
廬之顧問頻加期機務之叅知樞府之贊襄並預扈巡
翠蹕長依法從之班銜命星軺備得咨諏之義奉公匪
懈宣力彌多用是載晉崇階尙書象天之喉舌游登揆
卿製碑文

席公輔爲朕之股肱爾則莅事維欽論思倍篤政綱勉
贊素絲之清節彌昭文枋頻持冰鑑之公許克協總成
編於館局兼資統錄之長侍曲譏於宸筵屢效賡歌之
什靖共式著毗倚方殷何圖輔頰之爲災遂致形神之
就茶尙醫賜視屬存問之頻臨珍藥分頒期攝調之漸
愈遽聞奄逝深用愴懷命皇子以奠觴資帑金以襄事
加崇銜於宮傳恩禮維隆舉秩祀於賢良馨香是永諡
爲文定象厥生平於戲黼黻宣猷尙念台階之往績絲
綸賁寵應增隧道之不光庶克永終用昭來許

乾隆三十九年二月

皇清誥授光祿大夫

經筵講官 太子太保 文淵閣大學士兼工部尚

書直 南書房軍機大臣

晉贈 太子太傅入祀賢良祠諡文定武進劉公墓誌

銘

上之乾隆元年將選魁艾閣碩之儒登用於廷乃親試

博學宏辭士於

保和殿得第一人曰武進劉公諱綸字繩庵其先自

大同徙鳳陽明初有從信國公湯和下常州者留

爲西營劉氏八世至屯田郎中諱光斗從

王師定福建有活氓功閩人歲祠至今又一傳爲保定

墓誌銘

知府諱履旋保定生福寧知州諱維寧代能其官

吏行循最福寧生康熙癸酉舉人諱演者公祖考

也郡學生諱機者公考也三世皆

贈光祿大夫公自諸生釋褐授編修以文章學術應

期發聞受

上知遇沆奮於庸未三十年而參預閣務又八年而真

拜又二年年六十三以薨

詔贈太子太傅與祀賢良祠諡曰文定公少儻異六歲

綴文驚其里師稍長則學爲古文辭不怵世非羣

精銳思卓然早成十九補諸生食高等餼既而入

翰林益踴厲自力擢侍講進太常少卿由左右通

政太僕卿三遷至大理卿歷試克釐不懈於位拜
內閣學士兼禮部侍郎從

幸木蘭卽獵所奏秋郊大獵哨鹿賦二篇

上嘉其才由是滋欲嚮用公以署兵部侍郎入直

南書房再遷禮工二部侍郎直軍機處出入帷帳列

於近臣流民越塞耕土默特言者欲盡毆民遷而

歸其地

上命公馳視公議緩其期俾民輸作受傭不奪不爭旗

民輯和丁光祿公憂服除補戶部右侍郎兼順天

尹故事順天府公牘治中通判不署名皆冗放自

廢公請以錢穀屬治中以獄訟屬通判先署案而

墓誌銘

呈尹以可否之

王師西征將發役車供侍壹切辦治事竟無

道者充

經筵講官卽其部爲左侍郎拜都察院左

獻獄於秦比還遷兵部尚書旋以戶部

大學士加 太子太保丁金太夫人憂甫除喪

詔以吏部尚書起公仍贊閣務公爬梳抉剔綜覈名實

奏定考試書吏法規條畫然當是時天下皆望公

爲鉅人長德

天子亦習知公忠信可倚用三十六年二

淵閣大學士兼工部尚書仍管工部

諒不爲聲章洽於眷毗觀聽翁服三十八年春公得疾自艱腫達於左頰猶彊起視事

上命公少休遣太醫院判武世倬就第視疾使者存問載道久之不瘳則益

賜公人蔭和薨以進而公病浸劇六月二十三日薨於阜成門內之

賜第

上方駐蹕熱河聞之悼惜

詔皇十二子臨其喪賻以千金朝野上下皆頌

天子能知公以恩禮始終而益弔公遭會

聖明不克延其年以究厥施者之爲大可悲也公性至

墓誌銘

三

孝親喪三年不御酒肉號而行日踣數十里營高

燥以葬既得卜則手樹檟表之自書隧碑碧斲惟

謹自工部侍郎歸買玉帶櫛宅僅數楹迨公薨一

十年未嘗益一椽寸甍衣履極垢敝不改作而成

服以朝曰朝廷有章吾不敢簡也食於厨者數石

指室無儲餘人皆弗堪公一不易前後典順天監

二會試二武會試一其他考校以十數所等第士

皆有名發舒於時者甚衆爲文章浸淫六朝而根

極漢魏千變萬紆涵於一源於詩獨喜高青邱謂

能入唐人門閥未薨前一年自編類爲內集十六

卷外集八卷今皆刊行有法度可傳於後公娶許

氏縣學生諱仲女

誥封一品夫人子四人長圖南乾隆戊子舉人次驥雲

乾隆丙戌一甲進士翰林院編修署

日講起居注官次召揚國學生次驥稱早卒女一

長適戊子舉人陳賓餘俱先卒孫男七人孫一

人公薨之明年圖南等奉柩歸常州將以其

月葬公於澤巷之

賜塋而先期來謁銘始余爲翰林居宣南坊與公

暇輒走就公語比在軍機處更得日夕從公

又嘗以女孫許字余孫爲姻姬周旋最久且

歲時蒙

墓誌銘

四

恩燕資賜予兩人者蓋無不同而至於有所撰述研練

工贍惟余恣然自以爲不如公遠甚在直次給札

下筆極端謹點畫小不如意必再三潤色合法乃

已公器量凝重不見有喜愠出入殿門進止有恒

處

上前所聞語益久無所遺忘亦未嘗一出諸口也余所

居海淀與公同

賜園一區而中分之常時退朝寂不聞人聲徐視之則

公方飯脫粟已手冊兀坐器用簡略蕭然如布衣

諸生時嗚呼公行卓卓大者在人口而以余平日

親見公言語動作之微有他人所不及知而余獨

知之者然益可以見公之德矣今其葬也不敢以
不文辭謹考次公事狀大略以誌其墓而繫之銘
曰

翼翼劉宗西營基慶循施弗彰積世以盛劬躬燾
後公克受之蕃彌蘊崇起爲人師在

帝初元哀然舉首騫其羽儀如劬交手入綰章綬出捧
觴英年除歲遷陟於九卿維瀛有瀾學也伊識維
杓有樞政也伊德遂參近密左右屏毗翹翔六官
秉一自持內朝從容發揮翰札紀頌

功德典謨與質授几重席鳴珂禁垣錫我

寵渥斯夕便蕃載綜台衡百寮是式載分魁柄司空

墓誌銘

五

職淵淵其衷坦坦其施匪關匪流用罔不時玉鉉
大斗

皇心簡倚壽富康寧宜多受祉胡斯奄忽乘化則遷豐
德與言而齊之年有崇者封將作所治猗燦

御碑以風在位宜爾子孫既固既安刻銘在幽奕禩不

刊

賜進士及第

誥授光祿大夫

經筵日講起居注官 太子太保 文華殿大學士

兼戶部尚書管理戶部事務兼翰林院掌院學士

直 南書房兼 上書房軍機大臣加二級年姍

家侍生金壇于敏中撰文

墓誌銘

六

清代詩文集彙編

六

繩庵內外集序

求木於鄧林豐尋以往所見皆構榱桷桷桷也而工師曰我必得千尋之材任以桴梁飾以文采則參天豫章兼兩而至矣采玉於于闐勃律之間所見皆瑯琊琅玕也而玉人曰我必得徑尺之璧登以華篋襲以絺巾則和朴懸黎不脛而走矣爲是言者以擬

國家瑰奇卓越之才應運而出謀謨席堂其視出矣

聖祖十七年詔內外大臣薦舉博學鴻詞一時耆舊名宿多出其間嗣是涵濡浸育久道化成逮

繩庵內外集序

一

今上御極之元年遵奉

世宗前詔復開制科武進繩庵相公以諸生應試

欽定第一識者謂制科不數舉與斯選者較春秋得

雋之榜爲難而冠倫魁能鬱爲選首又適當

龍飛作觀天開景運之初則尤儒生不世之殊遇也

公旣以詩賦通籍不數年由坊局躋列卿趨走

禁藥所夕

顧問公益矢勤慎

上益昆倚之眷注有加遂參揆席屢枋文衡士之遊

其門者咸以爲斯文之的系在焉海內想聞風

采亦如鳳皇芝草景星卿雲先覩爲快予曩佐

秋官每直次連茵接席欵語移時暇輒攷評

諄因得叩其底蘊則淵泓澄深未易窺測大要

求其原於經暢其支於諸史百家佩實銜華弼

中彪外蒐羅繁富歸於雅醇而制義亦復步趨

先正大家有典有則故所取士往往稱得人可

知學問無二理根深者末自遂積厚者流愈光

也予得謝歸田二十餘年曾郵寄所刊詩文就

正公嘗寓書謂予曩者直次倡酬之作何獨遺

之豈不欲某附名以傳耶顧予懶不收拾舊作

遺忘不復記憶遜謝之而已客歲祝

嘏入京公出內外集若干卷請予序予謝不獲既卒讀

繩庵內外集序

二

益歎前此心賞之不虛也予惟詞科以待天下

挺異特達之士故代不數科科不數人乃僕指

一科眉目其克自樹立者亦無幾人昔韓子兩

應詞科皆不得第其文亦不載集中而其答崔

立之書詞雖過激獨惜當時不得其人一振此

恥耳抑李翱所云如其有之雖古人不及者非

耶問嘗與公論爲文大畧極言鄉曲習帖括而

訾古學之弊皆由父兄欲求速化師弟承襲俗

學罕識苗裔經訓本旨讀公集者亦可以知所

趨嚮矣至公自序云上以誌

聖人之依歸則陳羣與同直諸公遭際

明盛耳濡目染同爲厚幸云

乾隆壬辰清和之吉香樹同學錢陳羣藥時年八十有七

繩庵內外集序

三

繩庵內外集自序

鄉曲咫聞之士往往粗習帖括便嘗詩古文爲散作其徒竊視規仿輒呵撻隨之曰是妨汝業一二英妙秀特以不得兼通爲恥則詭語之曰須汝業成名就而聽爲之於是嚮之屏古文攻時文者繼復襲時文以貌古文而學者乃真不知有古今文之辨已編不才幼稟先人之教嘗舉經訓苗畬四言俾揭坐隅稍長從叔穰廕先生以詩學相鐵礪初補學官弟子出桐城蔣齊張師之門旣而長白望山尹師用方顧師以制撫校士吳中竝嘉與其少作不忍重自暴棄後以詞科通籍讀

繩庵內外集自序

中秘書伏觀

聖天子睿學高深

天文炳蔚度越隆古斯夕踞頌繹思尺寸若有所得自是出入扈從承

勅賡和及經進篇什所積遂多屬子壻輩撫拾連綴得內集十六卷上以誌

聖人之依歸下以程膚學之進退自餘所存非早年學步卽牽率應酬其言實無足采雖然昔之人不云乎雞肋無味棄之可惜又云家有敝帚享之千金至少源婦人刈蒼薪而不棄著簪君子且以其不忘故爲情之厚因是別加芟汰錄爲外集又八卷

清代詩文集彙編

以集故外之顧自付此淺薄技於時文尙未遑
卒業何論詩古文見者一以散作揮而斥之宜矣

繩庵內外集自序

繩庵內集目錄

卷一

賦

卷二

詩直隴臺

卷三

詩吉林臺

卷四

詩田盤臺

卷五

詩木蘭臺

繩庵內集目錄

卷六

詩嵩麓臺

卷七

詩臺懷臺

卷八

詩西陲臺

卷九

詩南中臺

卷十

詩帖子臺
詩試帖臺

卷十一

進冊

卷十二

講義經史摺 奏摺

卷十三

銘 贊 跋

卷十四

序

卷十五

解 論

卷十六

策 問

繩庵內集目錄

二

繩庵內集卷一

賦 錄 五 首

五六天地之中合賦

丙辰 御試以教授氏 時聖人所先為韻 有序

皇帝御極之元年闡澤澍濡麻徵浚洽珠囊既啓玉燭
方調披東序之圖不數蓋天宣夜布南臺之策何知洞
極元包猗歟洵所謂上參

天下貳

地登五位御六乘顯氣所涵及物物解太和所鼓被八
人怡者已臣遜稽漢志兼採唐書知陰陽之數定自二
中歷象之原通於一合是以術同窺筦還隨豹尾以抽
毫技遜挈壺猥進螭頭而受簡賦曰

繩庵內集卷一 賦

一

繫一元之推嬗維三才之有正超鴻濛以開天首狂榛
而立命巡河拜洛剖萬象以成苞迎日占星攬四時通
為柄粵僂句之眎範元王敘之以惟欽伊旋毛之負文
宓帝受之而式敬於是胚胎既分經緯斯究地天財配
乎朔南火水訢合乎左右衍母衍子列其方大餘小餘
程其候彼一三二四之在前與七九八十之在後固奇
耦之膠輶亦生成之輻湊惟茲五六之元樞是為中合
之妙構或著之揲也屬太卜之攸司即觚之握焉繫保
章之所授爾乃履端於子得統於寅北陸成歲東嵎紀
春離謝兌乘見朱鳥之夕指坎交艮代規元枵之夜陳
以及長至短至之紀乎四游躡天根而探月窟與夫日

中宵中之轄乎二表占兔腹而驗烏踐蓋五挈陽樞陽之純者因而資物六維陰紐陰之者也適以成民若夫次五奠型方之軌次六衷馭世之宜勢則或內以或外形則有正而有欹雖五並居中亦中央之冲烝六皆在北亦北極之綱維乃羅之五行而異宅卽隸諸四仲以殊司昔在九峯知洛數之不傳於禹越惟邵子識圖象之獨闢於義羸乏乘除遂爾綜兩間之策元會運世於焉釐萬禩之時以故亶

聖惟

天憲

天惟

絕庵內集卷一 賦

二

聖制作契乎銅儀燮理符乎金鏡仰觀俯察單厥心旋乾轉坤根乎性倍其五而天干成重其六而地支竟肇萌肇賅閱之首五子按部以分功敵揆統出甲之藏六甲循環而布令夫固懸正坐正不足輪其奇抑且天球天銀無以擅其盛猶復區理數別天人酌三統而書夏斟四序以繪幽謂維下以律呂爲衡不少塵毫之忒卽守敬以晷影爲度難言分寸之均獨一行之所定惟大衍之是遵二始開而剛柔旋判二終紀而閏位可循日會於天氣盈以五日而絀月會於日朔虛以六日而伸是其手卽化工非假乎隸首臾區之揣測心維太極奚煩夫歸奇掛劫之紛綸用能使八政修九功敘周乾規

折坤矩轉一氣之洪鈞釐百工而時序我

皇於是闢天府以羅觀象之儒登靈臺而集稽天之侶致土景於秉圭齊鐘管於壘黍茲蓋法天五之得位實五極其建之時規地六之成方洵

六位時乘之所也斯時也神鼇扶柱義馭鳴鞭冀以迎輪抽莢葭因送暎吹煙以準律元則鳳儀獸舞以通歷本則璧合珠連五六分而天地之中見十一合而天地之道全夫豈非

聖天子之明時以革行健惟乾陶甄百族鎔鑄億年乃以發機絨於無始之始而宗法象於先天之先者哉

秋郊大獵賦

勅作 木蘭奉 有序

絕庵內集卷一 賦

三

臣聞三田詳於王制匪止充庖四陳載自周官爰勤講武故大閱以義舉大蒐以禮行俾步伐示我行間而風聲貽諸遐聽六師繇茲有赫七德職是無虧往牒彌文意同一揆伏見

皇帝陛下光宅海寓文武兼資湛恩麗鴻中外蒙福諒惟

祖宗時巡率狩承肩在今吞彼徼荒鱗集仰流內而亦久邇以乾隆十有四年秋七月戒臚人鳩禁旅校獵於木蘭由啓塗訖歲事

茂典修

濃化浹愉愉乎勿勿乎昭晡之氣通歛誦之音作矣臣

菰蘆下走承跡屬車瞻望清塵退而虞抃不揣禱昧輒受簡以爲之賦目尚迷夫颺鼠敢云句擬子雲心冀識夫駒牙或且嗤同曼倩焉爾

拊輿桓以北睇臻穆納以南戰太行緣陸而竦嶂灤水絕漠而增波六扇關門塞日射丸泥之谷一圍天幕邊風清勅勅之歌首涂則十二軌方繪秋原於指掌奉引則三千迺卒園

法駕以駢羅時也蓐收告辰大丙陪位雷轟塵斑雲捎罕翠遺人先其層儲掌舍慘其柅施

離宮表記里之鼓九埜垣墉

馳道消甌脫之偵一家尉吏古弁服而穹居今宿窳而

繩庵內集卷一賦 四

露積蓋別部星萃周廬櫛比廣場郵置陶陶遂遂繩繩暨暨以待

天子之所有事爾其曙暾昭圓莽貫洞開橫襟雁磧高枕龍堆長陸曼曼其垂蟠儀鎗蠱蠱其轉魁

命大章豎亥之侶程翹關超距之材而止止而行行育乎如陽施陰設儼一蠹之棺中台也曰左左曰右右趨乎若箕張翼舒俄雙旌之紉外迴也羌葩列以茅班又轅轅而輻輳抉抱珥而環循綱引維而目就闔闔大壑臆梯接而撞縣崙崙重厓踰馬寸而人豆於是夏簾抽烏號殼發縱齊

指麾授快得雋於一呼矧疊雙乎多又乍矯睽以鷹麟

蟲穿腋以剗脰笑閨趨起下折角乎犀兕麋鹿失穴襪襪上縮跋乎鼯鼯猓狢洵不媒而不囿竟何飛而何走皇帝迺出和門遊靈囿奉

大安稱

慈壽祝湯網斟堯耐則有蕃封君長庭實多儀

頒禽壓鞍行酒捧匱希講鞠脰起而徽辭昔也荷

皇祖之龍光今焉陪

聖孫之燕私遘三驅於大甸嫺九伐之閔規况新睹巴子蠶叢之式化曾不煩寸纓尺組以縻之又奚事哆五杵於漢賦捫十鼓於周詩然後笙師貞而收羣策圖王會以示招攜哉臣拜稽首系之頌曰

繩庵內集卷一賦 五

天山窿窿塞草臙臙有若馳峯磳磳摺挂有若羊腸涸湫衰監

皇帝臨汝如閨如戶金風旣腰

玉趾斯舉員獵員游山祗蹈舞足足般般四靈爲府闔乎至仁皇矣大武武續厥緒仁篤其祐元會萬億登三咸五

哨鹿賦 勅作 木蘭奉

皇帝幸上塞修時畋五戎燁七萃闔三扈表禽二虞獻猗別有守大羅氏之職者以致鹿告擎綏請前厥制不畧不阱匪驪匪筌從其類乎神以茲而全者托於音矣哨可得而傳焉未之哨也瞰衆歸伺發薄測卉泉闕聚

落爲町爲墮既登場以目營或風或迭爰逐跡而臆度
更有合乎師行之外謀旁偵而豫紆夫卷甲啣枚之勝
略至夫白藏露塗青女霜鋪屆明東耿眺影西晡設宵
田之燿火殊夜獵之戴鑪時其簡練比其耦俱太人告
占卽鹿何虞於是坂緣九折隊麗三伍旅屯於郭銳宋
其阻聯絡聲援若僕若佇若肱若膂又不翅營陣之六
伐七伐五步七步駢坐乎散伏而楚部也其貌之則皮
其冠也角之芟然首之斑然奚取乎中黃朱鬃之植髮
如竿也其召之則木斯竅也抑之盲然抗之噉然無需
乎洵河鳥脰之大號而小號也當斯之時密利迦羅蹙
踣跽退求壯俟游牧祈祈賊谷聲之相答宛命匹而

繩庵內集卷一 賦

六

要之退才乎乎如遺進蹙蹙乎如疑恍同同而睥睨訝
異異而詆謀彼跼然其獸舞紛胡爲乎來思此笑如其
人立聘不知夫所爲於焉呼急鎗捫列宿會若連襪解
若脫胄趣後車選徒而舉齒信

天弓不虛夫先發儻銅牌之可識昨者憶釋網於
帝園或芝草之能銜今也願捧觴爲

慈壽迺復有司衡之佐典澤之儔希光道周爰諮爰諏
進而稱曰蓋聞至人物寓造化神謀故暨或驢負雉或
媒求意釣者時忘其魚入羣者不驚其鷗苟有氣乎斯
應豈於林乎是接凡天降與地出寧盡縹以窮韞方今
聖天子德化醇粹彌洽瀛陬庶彙由庚咸和咸柔詎惟

在圃者感姬文而攸伏居山者際重華而與遊也哉
上乃摘天文

勅賡載羅訓典陸雕績

皇綱帝紘囊括乎園內雖有馬鄭專家鄭枚齊輩隸事
罕習厄言失槩未效江陵射者之吹竊陋畝邱封人之
對莫不据觚臠喙操牘汗背遷延而辭退

後哨鹿賦

勅作 直廬奉

有司原下臣麥譚改事猥稱由鹿隸於前誌株無心於
兔守梁何意乎獮祭類窮鱗之躍根疑倦翮之投翳終
比物以拘方詎進道而游藝爰迺茶然中恭詣

上林主者而詞其義曰伏觀

繩庵內集卷一 賦

七

聖天子之撰辰效駕而木蘭是莅也大武旣肄母禽獮
母草薶嘗有取於索倫之初制矣懿夫烝徒戢勁旅偕
繩達谷梯縣厓偃長鎗招潛農方且批斑紋之狎獵拉
嶽角之槎枒曷爲蠲罔弃媒除杙斷且俾鉞險僥虛之
輩靡不趨納鉢登流沙以若赴乎厥家逮乎獲雋
旋鑪風清大野

鴻文迭廣苞符函雅二氣緘滕百昌韞冶回睇八十一
車之間雖盱睢說響希光者竟舌橋而不能下主者
曰嘻而弗知而弗知蓋

至尊之躬習勞而飭行師也常必變正必奇龍驤乎魚
麗乎乾綱而坤維岳引而川隨則有如甫草長楊同塗

共規子大夫故目飲三驅之

盛儀已至其九麓十荒千夫重趼燈樹星而未央花
驥尾尾而不見袂露遲收旌麾早冒灌莽密蒨時踞
旦羌鳥卽而鼠空競呼朋以相飯憲長哨之遙傳儼殊
方乎責獻意者陽施陰設霧合雲散正軒后握奇之所
以教戰而廉藺孫吳者流每高語攻心搃吭抵噉伺便
斷斷然相與揣摩而簡練也然則卽事雖勞烏可以請
間云爾乎且聲音之道橐籥泰絃案衍區寓亦跂喙蠕
動者之所噢而响也自雲門之琴叶則騷耳騰於阜嶰
谷之箎諧則長離振其羽極吹萬之不齊咸襲鼓而軒
舞胡彼伊尼斯宮斯所奮迹孤騫分疆環處倏狡焉以

繩庵內集卷一 賦

八

乘墉還塊爾其委土覆空隍之葉去也奚追吹在野之
笙來乎勿拒應竝而疊雙之中可期解網而一面之逃
何許所以參元化於狂榛所以營真幾於孳乳職是故
歟職是故歟司原於時拊髀欠伸仄席而陳曰有旨哉
云云乎吾聞用志不紛乃疑於神旣感之以天籟又和
之以天均故能以接爲構不攪其寧妙取則於不遠復
太初以爲鄰繫維

至人物告其真斯指可得而申也微子所究孰發吾覆
耶昔者伊耆首出麋身遊囿有虞際盛象爲之耨夏道
光而黃龍負殷德至而蜚蜚視文以非彫獲武以蒼兕狩
特用靡文鋪張闡茂已耳有若是之率典由舊山輸谷

驟不馳不驟而馮生在宥者哉二臣遂畢據所臆諭於

下走賦以質言請爲之後

承陵神樹賦

勅作 吉林奉

歲屆闕逢月逾相壯

聖駕風事大東上

陵薦邕望

寶城神樹地軸呈符穹儀體象乃洞洞屬屬

勅期門而候

仗日於昭乎凝承在斯守宜思勦也維

天地

祖宗眷予嗣服十有九年於今旣獲一再顙仰焉匪莊

繩庵內集卷一 賦

九

言頌之曷以闡本支之闕麻宣奕葉之殊睨哉原夫

白嶽精華綠江秀儲倬漢橫影駢星散株詩箋駸肇雅

注莖樞峴瑞木之爲應叶

昌辰而弗渝華蓋爰臨東瀛披其紫炁魁杓所指左輔

繫其黃圖固當輯羣靈之鎮圭續繡翊衛依

列聖之弓劍杓指揚揄者矣爾迺適工寮咸晉耽思旁訊

案牒考祥援文徵信稽古伊耆廷英告時未聞穀林交

讓葳蕤嬌媼洵紹統松生自棟嶠見珠邱殖此嘉種則有

小儒疏糲襲故蹈常鋪菜擢穎拜手廣颺因稱曰五沃

之土其榆條長是以份會號社梓亦名鄉矧富媼之封

域繁

真人所啓疆惟三島賴霞其可拂舍九霄緯露以奚瀼
更端未已詔於太史又稱曰周官望氣榆上千里邈隩
區之

鼎建采絢龍文知仙植之盤榮暉聯鳳紀豈與夫抱朴
調語天陵西王哆譚瑤水炎宗近陋幢幢推垂葆之桑
唐室多誣華韓侈盤根之李至若

陪京父老扈

輦搭紳肝衛

曩烈鞠脰而陳蓋占書曰榆爲人君其德至仁我

國家含和毓粹長世字毗用能勝擅形家天根月窟之

交會珍賅物產蒼萌黃芽之畢臻而復

繩庵內集卷一 賦

廿

淵冲無致

對越如親風雨疑傳夫

櫛沐雲雷恍繪夫

經綸洵足以表務滋之樹而彰

儼在之神者歟遂獻辭云

因登之原額爾赫之野

橋山蔚蔥俯眈桐楨宵渚方晡晨暹載寫翼翼綠垣瑤

翎不下時萬時億幃覆函夏唯貞珉吉金請

詔來者於是

聖上丹毫首御榮光上覆乎璫璫侍臣鏤管齊抽美蔭

猶希乎石馬

下 缺

繩庵內集卷二

直廬臺 錄一百一十一首

玉璫詩 勅作 奉

承光闕殿高屋屨肖形員嶠環淋池天漿屈注星杓垂
虹霓倒吸雙雄雌下有神物蹲鳴夷方虞雖敦周虎羹
紀廩綠鼎徒爾爲庚庚鯢理琢者誰大元至正聊傳疑
葦蕤鑰啓驚目眇雲紘雷回文鬱伊香海禪海交絡之
屋樓欲合鼉梁離衝波鑲掣無支祁鱗者衙衙毛彤彤
雕鏤真宰精應疲訖工憶昔良不貲玉龍榻畔跌蒼螭
濱山酒海何瀾瀾濃盛九醞清四醕羽林劈正擎彤輝
從官質孫起翻匙廣寒灝氣浮當楸上都之樂樂有儀

繩庵內集卷二 詩

比於崇貫無溢辭流傳小劫更歲支石壇花雨空淋漓

道人能穢香積窺鹽齏百斛儲所宜有如塵旣無當厄

一朝前被呈

聖時劄苔別藪

帝曰咨布地之金內府施雲泥咫尺真嶠奇譬登下士

搜茅茨三熏三沐來如期

天章鄭重金石劇遠鑄軒黃陶奴姬東房西序球圖披

陋彼泗上汾陰祠榮光近占析木枝日邊重器誰呵撝

覺生洪鐘屹不移萬健躑躅千夫馳鬻宮石鼓傳蒐岐

明堂玉檢堪爲基倂也釋鑿般棄削豈如珪甃燕人嗤

太史數典其在茲金甌潭潭告重熙中衢堯躋行可持